

裴子言醫

# 序

余少時遭時多變有感於項籍學  
書不成去學劍之語故於武經諸  
書恣意探討為其所以毒害六也卒  
不遇無所用後有載於范文正不  
為宰相者為良醫之語又於岐黃

諸書樂爲尋索爲甚可以生天下也  
然得其大者寃不敢用第出則必挾  
此二者以俱去其同潘詠瞻年无舟  
次維揚寒途窳穽取趙伯離評  
點武經世覽因嘆古之善用兵者  
類之生而必不可殺將少時雄心幾

後熾從出裴子言醫一帙余為讀  
嘉嘆終非今時人詠瞻曰此予友  
人鹽良裴兆期也其照則葉鏡劬  
則蘊井其於醫學真發前人無  
未發子何見之晚也相與讀其序  
至卒知醫業之於人豈有死而

吾生舉余向時欲生天下之心糧種  
汗下讀王篇中見保國與保身無  
二理用策與用兵無二術又采余往  
日學劍之雄心渡漢然米糲支以  
柴子之料病如孔明之識用藥如  
子龍之膽奇中如由基之性輒破

的程統、為此況下此者予乃知  
保身如紫子者始可與言保國用業  
如紫子者始可與言用兵蓋天不  
生王六俱匪異人任敢藉詠賄沈  
之紫子

四明社第張應麟振仲甫書於

張序

廣陵舟次

言醫序

嘗讀物理論醫者非仁愛  
不可託非聰明理達不可  
任非虛嚞淳良不可信並  
則操岐黃之術者死後繼  
多少湯頭認我許藥味務

為名高以自炫也裴子兆  
期六枝回家貫函達謝  
竅五臟熟龍參兩更剖示  
生分錄區第十日有療著  
論難杯玄奧庶幾九朽為  
良古所稱可託所任可託

世明治業同而隱括之在  
之服其業者不可不讀其  
書而能讀其書者尤緣欲  
其業重待飲上池之水務  
終歲之功始稱名醫雖雖  
然乃名而良者有無名而

良者審原不在名也。審而  
鵠為急。公扈稍高。嬰治疾  
一志強而氣弱。一志弱而  
彊。強則身探心。易置之而  
稱。第淑乎。此孔聰明  
理。達。庶。潔。淳。仁。本。該。仁。重。

河易語此北所將安所取  
法乎玉原東濱大海外  
三神山在焉應多生奇人  
以壽若他日功成十全久  
視若僊變六一于夢液敗  
三七於銀丸屯期之書且

與中經內籍竝觀矣  
楚堯陵毛一駿題

裴子言醫序

吾快讀裴子之書而異之也學不貫今古識不通天人才不近僊心不近佛者寧畊田織布取衣食耳斷不可作醫以誤世醫同神聖之業非後世讀書未成生計未就擇術而居之具也是必慧有風因念有崇習窮致天人之理精思竭慮于古今之書而後可言醫每見庸工治病十失其五良工治病亦十失其一由一以循累之

誤亦未忍言也即能窮致天人之理精思竭慮  
古今之書而病伏于內醫測于外病以奇伏醫  
以意測幸而得則竟得矣或偶不得則不為二  
監所笑者無之此扁鵲所以需上池之水而思  
邈所以藉龍宮之方也夫上池之水不易得龍  
宮之方不再傳則惟窮理讀書以學識參造化  
之權而後可若裴子者斯其人矣若裴子者固  
數百年所未出之人也古今之有學識者當首

推張戴人及劉河間能與病血戰而不奉表稱  
臣于病第未免過甚耳其餘諸家立法非不善  
實為鄉愿逋逃之藪故謂醫有成心不可也謂  
醫有成理尤不可也無成理而有成效醫信難  
言哉裴子之言曰以生死易視者易之固數而  
年所未出之言也獨謂裴子學貫今古識通天  
人才則德而心則佛信也非譽矣誦其言皆軒  
岐所欲言而深悔未及言亦諸大家所欲言而

格格不能言豈 帝憫枉札之禍助其神智而授之使言歟推此而失者可得難者可易而謂醫無成理尤不可也余以多病學醫日為醫而醫日下初似可游办通皆茫然抑鬱焦思徒廢寢食行將耕田織布棄醫而去以求無誤于世今秋得晤个亭先生極口兆期裴子學識且示以所著書余向慕裴子名而不圖其貫通至此也一再讀之豁手快有所獲裴子教我笑何時

共晨夕而相諮晰究竟此神聖之業哉

歲在丁酉中秋日友第趙善鳴聲伯父題

友第陳龍運階尺父書

自序

或問醫易乎。裴子曰。以生死易視者。易之。若余則未敢自信。管先君子以醫鳴世。余見其治。輒嚮應。亦嘗私易之。而不知人之有生死。非不知人之有生死。不知醫藥之於人有生與死耳。先君子沒而余世其業。乃較譬岐黃。靈素與諸大家遺書。凡七更年。數四過。始惺然有覺。而知醫藥之於人有生又有死。自謂於斯有得。及臨證。則疑焉。罔決者。猶十七。治上矣。又攻其下。療彼矣。更顧其此色。既呈而脉難合。診或得而

証不形。則以寒寒未除而熱已起。擬以熱熱未去而寒復生。欲祛寒則思熱不前。欲救熱則思寒且止。大實似羸。補之慮其實實至虛。似盛瀉之犯其虛。虛眩惑。意縮十有年。則又知醫藥之於人。死者多而生者少矣。以是夙夜彌勤。眠食盡損。研窮義易。博採空玄。舉天地間氣運物理。古今治亂興衰吉凶進退。及傳記百家之書。有可與斯道推類而長者。參稽亦已逮半。更訪前哲如張子綱。神醫也。幾以承氣而誤已之。子張仲景。醫聖也。猶有急下急溫。半劑少與。暨微和。

胃氣之戒慎。丘子得許學士而生。全范雲因武帝亡  
錫之命而夭折。所爭僅汗遲與汗蚤毫厘。疑似輕重。  
疾徐之間。死生易如反掌。誠非細故。究其極。則人之  
所以病而病之。所以治。又不在形骸藥石。先聖賢陳  
跡上。探求者。敢謂醫學無難哉。卒知醫藥之於人。幾  
有死而無生矣。自此纖微倍凜。皮毛疥癬。視若膏肓。  
甘草陳皮。畏如鴆毒。雖或羣起而爭。曰易吾勿信也。  
嗟嗟。余之漁獵醫林。以醞釀乎丹府。有年矣。不可謂  
草草也。夫何歷一境。轉深一境之難乎。今老矣。或云

優矣。乃益茫若望洋。莫測其際。仍然未學時。不知醫藥之可以生死人也。已語云。無學者。不可與言醫。有學者。亦未可與言醫。厥有旨哉。雖然。世固有不經研索。久拮据而旦施行者矣。此聰敏過人。是天授。非人力謂之易也。亦宜時崇禎十七年。歲在甲申春。莫復菴居士裴一中兆期父序。

序

今江浙之稱在醫者必宗裴氏而裴氏之克紹箕裘卓絕當代者惟健飛一人而已健飛在居永罷之武原邑其尊公兆期先生與余執手交窮天人之秘開靈蘭之奧數十年間孜孜博濟躋斯在於仁壽之域全活者以萬計凡黃童白叟綠綬青衿無不交口而頌先生之德今健飛業洪繼述道尚淵源四方仰

冀一匕者若金甌仙露是殆有神授非可  
測識誰謂上池之水獨擅譽于當季龍宮之  
方不再見于今日耶舉世駭其靈奪咸目裴  
子爲天縱余曰從古無不學問之神仙裴子  
天資敏悟學力沉酣凡三墳五典六運六氣  
金匱玉函之精丹臺瓊冊之密悉廣稽博覽  
融洽淹通雖隔垣之視不足云也諸如六淫  
外侵七情內作表裏虛實之宜補瀉宣通之

論上下千古確有定見至於先天資始之源  
後天生物之本乙癸同源之理變化疑似之  
微鮮不洞燭人但知其能拯九死之症而不  
知其曾讀未見之書也今之醫師知以寒治  
熱以熱治寒以通治塞以塞治通而已矣而  
健飛獨明于塞因塞用通因通用寒因熱用  
熱因寒用用熱遠寒用寒遠熱各有妙諦更  
深究夫窮源探本之論謂見痰休治痰見血

休治血無汗不發汗有熱莫攻熱喘生毋耗  
氣精遺勿瀉洩種種人所難知健飛澄心味  
道頗得個中之趣是以疏方用劑絕不類時  
師而其得心應手轉旋造化應若桴鼓真獨  
龍之老氏豈可憶度而管窺乎辛亥之夏余  
同善長孫法師禱雨吳山甘霖大霑因訪健  
飛于育嬰堂堂之主人乃余友陸宗黃也誠  
心保赤樂善不倦向與兆期爲比鄰至交出

其所鐫言醫四卷言言玉髓字字金銳如唐  
之巫咸周之長桑秦之昝緩宋之文輦鄭之  
扁鵲漢之陽慶倉公更如長沙淨間東垣丹  
溪立齋肯堂諸大家各有著述無不表表今  
誦此期之篇博綜反約採珠璣于淵藪微性  
命之精微挈領朝宗臻于盡善立德立言上  
有功于千聖爲後學津梁真金石不磨裴子  
健飛上承父志悟其神理播其仁術凡刀圭

之入口者靡不頃刻立起寧止徒讀父書實  
中見之經濟宜乎其名不脛而馳遠邇嚮慕  
爭赴燕虛日也余于裴氏喬梓爲通家立講  
素交最久聞見最真不敢浪作浮譽故直泐  
數言以弁其首

通家眷弟陳之遴遺升氏題

# 凡則

一醫之道難言矣。余何人斯。敢僭言也。唯是醫教衰而醫日流於弊。古聖賢仁壽之傳。幾歸淪沒。遂不自禁其婆心之熱。率蠡見而僭言之也。知我罪我。其在茲乎。

一是帙。余之隨筆也。偶有得。隨筆而載之。雖不及別門序類。一一詳言。而其理則無一不貫。蓋醫者意也。言不足以盡。觸此便可通彼耳。善讀書者。當不作殘編斷簡觀。

一帙中一畫小心治虛傷藥傷飲久病後金匱丸  
大補脾丸不執本草主治諸篇皆言古人所未  
言者命門二火陰証用權補中湯陰陽氣血流  
溼潤燥栢齋水火辨諸篇皆言古人所已言而  
未得其旨者勿藥王霸產後胎前執流守主內  
傷元氣脾胃統論好古節齋人參論諸篇皆言  
古人言不克竟與邪說亂真而未經補救者餘  
則但言常變時宜平易近情道理以挽習俗之  
非

一醫書生死書也。最忌迂而不切。晦而不明。以滋學者之惑。此余所不得已而作此。既明且切之言。以便學者觸眼。卽豁不致低徊沉索也。雖然言非徒言。恐又不可因其觸眼。卽豁而不低徊沉索也。

一。人身所賴。唯脾胃。脾胃所賴。唯元氣。元氣非脾胃不能運行。脾胃非元氣不能生化。此形上形下不得相離之至理。以故本帙中無一字一句不是。矧顧脾胃元氣之言。是在閱者沉心理會。

始見但其間理微而費不克盡余所欲言心竊未快。

一近來言醫者類重方藥而輕調攝。若余則重調攝而輕方藥。蓋方藥止優於卻病而不優於養生。調攝則不止優於養生而更優於卻病。在昔岐黃靈素醫學祖也。千萬語言只是教人節飲食。慎起居。少嗜欲。適寒溫。勿失養生之道而已。曷嘗有所謂方藥哉。深於醫者以爲然否。

一帙中所載治案有虛反攻而實反補者。有寒治

寒而熱治熱者有取彼得此而取此得彼者有  
病同藥異而病異藥同者有處變視之以常而  
處常視之以變者是皆因其病用其法非故設  
不經之奇幟以炫已而欺人也第邇來諱疾者  
恒衆故只就病載病不表姓名

一古來明醫家鮮有不知太極之理者知有太極  
則知人有所以生而非形矣形有所以死而非  
病矣病有所以治而非藥石矣余雖不敏早歲  
時已參其旨嗣後攻苦日深漸臻悟境便不爲

裴子言醫

凡則

三

形下之學所拘。故此書雖不言言及太極而大極之理無勿寓。噫此固造化根也。衆妙門也。不止醫學所從出也。

一是帙。謬。序。楚中毛槐眉。吳門金聖歎。雲間蔣斧。山四明張振仲。武林趙聲伯。永郡朱子若。同邑鍾稚西。胡孝轅。陳則梁諸先生。各錫瑤序。并其首。是無異蠅之附驥。不難不千里行矣。第皆獎借過實。大非涼德所堪。用是懷慚。不敢遽梓。僅自序其略焉耳。

所以生三字是此者一大宗旨  
從形說到生從生說到所以生絕無影響非坐城蒲圖者不能

張子言醫卷之一

鹽官裴一中兆期著

男裴翰健飛 輯正

語水

閱

孫

晉颺接三訂

人之生有所以生而非形也耳目鼻舌手足與藏府  
經絡骨肉皮毛皆形也非生也其各有所司以供  
不窮之用者亦生也而非所以生所以生者何曰  
命命果何物謂有物焉而無形謂無形焉而又非  
無物也命之門安在曰腎有二生于脊骨十四椎  
下兩傍後天之有形也先天之無形則寓乎兩腎

人之兩腎  
其精果教  
諸實之兩  
岐乎岐端  
無中生山  
諸事即先  
天無形之  
無得陰陽  
五根之理

張子言醫

卷一

一

五

之、間、而、爲、後、天、有、形、之、用、後、天、有、形、者、兩、腎、也、先、  
天、無、形、者、水、火、也、水、與、火、互、藏、其、間、而、爲、命、之、門、  
也、曰、水、得、火、而、潤、火、得、水、而、熄、勢、不、兩、立、安、能、互、  
藏、曰、後、天、之、水、火、有、形、而、先、天、者、無、形、有、形、者、相、  
剋、而、無、形、者、相、生、試、思、太、極、未、分、原、只、一、氣、自、一、  
氣、而、分、爲、水、火、火、即、水、所、從、出、水、即、火、所、絳、生、二、  
者、交、合、變、化、雖、二、體、而、實、爲、一、體、雖、二、用、而、共、爲、  
一、用、故、造、化、于、此、不、息、鬼、神、于、此、不、遺、也、人、身、一、  
太、極、也、當、父、母、媾、精、未、有、形、象、先、結、河、車、中、間、透、

理人  
即說不出

水與火也

起一莖莖端一點如蓮蕊初生而水火二氣已交  
合變化于其中而爲生身立命之根矣緣此一點  
兩傍生出兩腎形如豇豆相並而交函于水火之  
外以象圖之不宛然一太極乎次而生心生肺生  
脾肝與百骸九竅而形備形既備則氣之溫者卽  
火也溫而不至熱火中有水也氣之涼者卽水也  
涼而不至冷水中有火也水中有火其精不竭火  
中有水其明不熄因是而耳之聰目之明鼻舌之  
臭味手足之持行水穀之蒸爲血液而充藏府榮

聖人所以  
罕言也

經絡灌漑乎骨肉皮毛。將生生于不窮。苟水自水。火自火。陰獨陽孤。而化源息矣。安望其能聰能明。能臭味。能持行。而藏府官骸不盡。屬灰稿木也。哉。故曰。人之生。有所以生。而非形也。究言之。命。名耳。天地之秘。聖人無從指其實。不得已而強名之耳。晉伏羲氏。仰觀俯察。近取遠求。不能多語。只信手一畫。一畫者。命之原也。亦即水火之原也。先乎天而無始。後乎天而無終者也。至謂左腎爲腎。右腎爲命門。又謂男子以右腎爲命門。女子以左

識吾心  
象者幾何  
人

腎爲命門。甚謂兩腎總號爲命門。噫。命之門固在  
腎。夫腎豈卽命邪。苟能于有形之中求無形之意。  
則思過半矣。

自天地而人物。莫不從伏羲所演之一畫中流出。其  
一畫以前。果何景象。曰。一畫前之景象。卽吾心之  
景象也。識吾心之景象。則一畫以前。可反觀而識  
識矣。咎伏羲慧徹天根。欲悉吾心之妙。無可擬。其  
端倪。不得不借此以啓後人。謂其有景象。不可也。  
謂其無景象。亦不可也。是故聖賢述相垂教。各因

無可名不  
得不周意  
立名

千聖相傳  
不二法門

老子

卷之一

正

五

意立名而無實如曰乾曰元曰天曰命曰善曰仁  
曰理與道曰不二與空與無及精一執中而一貫  
而明德而性而誠以至浩然之氣玄牝之門天地  
之始無極而太極皆虛名也無一而非描寫一畫  
前之景象也亦無一而非描寫吾心之景象也且  
觀天地間時之行物之生其所以行所以生者何  
焉之飛魚之躍其所以飛所以躍者何至于人之  
視聽言動喜怒哀樂其所以視所以聽所以言動  
而喜怒哀樂者何蓋有物焉先乎無行無生無飛

說得天化  
亂陸初  
亦能點

形容盡矣  
還說形容  
不得

無躍無視聽無言動無喜怒哀樂而爲有行有生  
有飛有躍有視聽有言動有喜怒哀樂之主耳知  
此則時行非時行物生非物生萬飛非萬飛魚躍  
非魚躍而視聽言動喜怒哀樂亦非人之所能矣  
又何疑乎一畫前之景象乎是在善悟者神領之  
言語形容不得也須知伏羲自無畫而化有畫自  
一畫而化千畫究也千畫還歸一畫一畫還歸無  
畫也已

素問謂七節之傍中有小心從之有福逆之有咎

須索白問  
是何物

與周子太極圖說無異。但周子統天地人物言此。則專指人身言耳。其曰七節者。脊骨之自下數上。第七節也。傍有兩腎。而中間則有小心。小心者。即太極圖中之白圈也。潛藏於兩腎而爲一身之太極也。以其無可睹。無可聞。至微至隱。名之曰小。非真小也。從之有福。逆之有咎。即君子修之吉。而小人悖之凶也。釋者不察。而以上焦之包絡爲小心。則失之遠矣。曰心在胸中。而子獨言在腎。顛倒拂常。則曷以解。曰在胸中者。後天有形之心也。其感

此說從經  
諸點所以  
七情流其  
無窮認取  
得此提揭  
受用不了  
也

心在這裏

通不窮之用。雖從此出。而其所以爲感通不窮之  
用者。則寂然不動。而藏于兩腎之中也。夫寂然不  
動。而藏于兩腎之中。先天無形之心也。無形者。必  
托于有形。而後見。而有形者。又必賴無形。而始靈。  
智者當悟。無于有。不可因有而遂溺于有也。世老  
言心者。唯知有形而已矣。問有以爲無形者。亦唯  
知起滅乎胸中而已矣。烏知夫兩腎中間。是其棲  
息之官府也。邪曰。心旣無形。則無可在。而亦無不  
可在矣。安見其在下。而不在上也。曰。獨不見天地

可補兼洛  
諸賢所不  
及

本來面目  
誰肯識認

之心乎。冬至子之半。一陽復于至陰之下。其復于  
至陰之下者。卽天地之心也。象之所謂雷在地中  
也。與吾心寂然不動時無以異也。至其雲蒸雨施  
以發交通之妙。則天地之心又恍乎其在。上矣。象  
之所謂雷在天上也。與吾心感而遂通時無以異  
也。以天地之心證吾人之心。則吾人之心在下而  
不在上也。明甚。此余所以揭太極之微而直指其  
歸元之路。冀世之學者皆識本來之所在而求之  
庶性有所見。德有所明。道有所貫。而精神魂魄意

亦有所寧一而深潛大則可以臻賢詣聖小則可以却病延年耳豈故爲怪誕不經之說而惑世以欺人哉惜終身繇之而不知者衆與語之而不入也

問朱丹谿何柏齋兩先生君相二火論孰是而孰非歟曰皆似是而非者也火乃造化之元陽一而二矣易君相之可分哉其所以有君相之分者卽一火之體用而分之也豈既有君火而又有所謂相火邪夫君火者卽相火之本體也潛藏于天地之

君相義述  
莊

庚子言醫 卷之一

問、雖具熱性而不發、實爲造化之根蒂、猶王者深居九重、無爲而治、故君名焉、相火者、卽君火之發用也、流行于天地之間、以布生生之化于不窮者也、正與宰相奉君行命、同其義、故相名焉、非有二也、丹谿柏齋兩先生之論、則不然、丹谿曰、陽動而變、而生水火木金土、夫曰陽者、君火也、其動而變、卽相火也、凡五行之物、皆所繇生也、先生所謂天非此火、不能生物、人非此火、不能有生者、正此義也、大哉言乎、永開聾聵、二火之旨、亦旣詳且盡、何

復以君火爲人火以相火爲龍火雷火邪龍火雷  
火卽相火流行之徵兆乃生木之火也人火卽人  
間烹飪之火乃木生之火也豈相火且生木而君  
火反爲木所生邪相火旣爲生木之火則不出于  
木明矣而下文又有出于木之說其謂之何柏齋  
先生欲救其弊以君相合一爲辨功其溥矣惜乎  
以天氣人氣明白顯現爲熱之相火反名君火以  
藏而不發動之君火反名相火不已失乎且曰在  
天藏于木之中在人藏于精血之中在人藏于精

聖理

如此明所  
兩先生必  
覽在天代  
亦心折

血之中則似矣在天藏于木之中將安解乎豈造  
化之元陽僅藏于一木之中乎是欲救其弊而適  
以踵其弊矣予逆推之則知兩先生之誤皆執素  
問五運六氣之中有君相二火耳不知君相二火  
雖列于五運六氣而五運六氣之推遷實經二火  
宰制于太虛之中乃能始風木而終寒水也譬猶  
乾卦之列于衆卦之中而衆卦未有不統乎乾元  
之陽而能帝乎震齊乎巽以至勞乎坎而成言乎  
艮者也是則五運卽火之五運六氣卽火之六氣

此係教下  
所之旨自  
知日

而兩先生不求其旨。唯知一風木二君火三相火  
之說。遂謂二火皆生于木。所以遺晦于今而未明  
耳。須知君火者。寂然不動之火也。未發也。誠也。相  
火者。感而遂通之火也。已發也。幾也。故曰君火即  
相火之本體。而相火即君火之發用。非有二也。至  
五行之火。是其所從出者也。烏得以君相名之。管  
見如斯。更望政于後之君子。

陽虛氣虛陰虛血虛。自各有別。不思考以為氣屬陽  
氣虛便是陽虛。血屬陰。血虛便是陰虛。噫。何謬哉。

夫陰陽謂水火潛藏于兩腎而爲人身之先天血  
氣。謂營衛滋生于脾胃而爲人身之後天故血虛  
者營虛也。四物湯主之。氣虛者衛虛也。四君子湯  
主之。陰虛者水虛也。治宜補血藥中加知柏等味  
及補陰丸之類。陽虛者火虛也。治宜補氣藥中加  
桂附等味。及理中湯之類。其有別也。蓋如此。或曰  
以子言之。則古人謂氣屬陽。血屬陰之義。何居。余  
曰。屬猶根也。言氣根于陽。血根于陰也。血根于陰  
則血不卽陰而出于陰。所謂陰中之陽是也。氣根

于陽則氣不卽陽而出于陽所謂陽中之陰是也  
是則血虛爲陰中之陽虛陰虛之微者也陰虛爲  
陰中之陰虛血虛之甚者也氣虛爲陽中之陰虛  
陽虛之微者也陽虛爲陽中之陽虛氣虛之甚者  
也故東垣先生于補中益氣湯有曰氣虛之甚者  
加附子以行參耆之功虞天民曰血脫補氣血虛  
者須參耆補之若真陰虛極而爲勞瘵者參耆不  
可驟用繇此觀之得非有氣虛又有陽虛有血虛  
又有陰虛之別乎夫何謾不加察而執四君子湯

以語人曰此補氣藥也勿論氣虛陽虛混之而施  
執四物湯以語人曰此補血藥也勿論血虛陰虛  
雜焉以進有不背聖經而戕民命者恐未之前聞  
試卽二湯之旨言之亦各有陰陽互濟之理在如  
氣用四君子湯而人參白朮則是氣中之陽藥茯  
苓甘草則是氣中之陰藥矣血用四物湯而當歸  
川芎則是血中之陽藥地黃芍藥則是血中之陰  
藥矣以故血弱有寒禁服地黃芍藥陰虛吐衄禁  
服當歸川芎氣虛下陷茯苓不可多用氣虛火盛

人參不可頓加氣虛嘔吐不宜甘草氣虛喘嗽不  
宜白朮一湯之中亦各有陰陽順逆之理可謂氣  
虛便是陽虛血虛便是陰虛而設然施療乎  
人之一身無非病也亦無非藥泥金石草木鳥獸虫  
魚爲藥偏矣亦後矣飢飽待時飲食藥也寒溫適  
所衣服藥也動靜有常起居藥也色不視邪則目  
明聲不聽淫則耳聰口無莠言行無顛步則口體  
正均藥也使有人焉知填精而不知寡欲知養氣  
而不知守默知保神而不知絕慮亦焉往而得藥

素問醫之六經也。但言順四時少嗜欲節飲食。不爲邪氣凌犯。初未嘗以藥言。其五志爲病者。卽以五志爲藥。如曰悲勝怒。病怒者。悽愴哀苦以感之。喜勝悲。病悲者。謔浪佚豫以娛之。恐勝喜。病喜者。迫遽危亡以怖之。怒勝思。病思者。污辱欺妄以激之。思勝恐。病恐者。沉疑搜剔以緩之。至如逸可治勞。靜可治躁。處陰以避暑。就煖以避寒。凡此之類。皆非熱非寒。非酸非苦。無煩採製不費咬咀。隨在而得之。之聖藥。遠逾草根木皮。萬萬也。則請爲尊。

從未有發  
治字之義  
者

虛者取中  
虛者

半能行發  
者不能也

生者揭未病之藥

素問曰不能治其虛何問其餘夫不曰補其虛而曰

治其虛大有深義治字補字難易大不相同補其  
虛者祇有虛而無邪氣夾虛中譬猶弱國時也  
治其虛者不足之中兼有餘之証譬國勢強弱相  
半時也此時而欲補之則邪未衰欲瀉之則氣已  
敗勢介兩難必隨時取中于其間或先攻後補或  
先補後攻或因為補或借補為攻雖攻而正不  
戕雖補而邪不熾方可謂之治其虛謂之能治其

裴子言醫

卷之一

七

果如是乎  
如之何  
天下  
天下  
天下  
天下

虛耳於此不能其餘何可復問旨哉須知治之一  
字有無限苦心無窮妙用在與虛則補之之一字  
大有間世都忽而不察特註明之  
醫何以仁術稱仁即天之理生之原通物我于無間  
也醫以活人爲心視人之病猶已之病凡有求治  
常不啻救焚拯溺風雨寒暑勿避遠近晨夜勿拘  
貴賤貧富好惡親疎勿問即其病不可治亦須竭  
心力以圖萬一之可生是則此心便可徹天地統  
萬物大公無我而幾于聖矣不如是安得謂之醫

而以仁術稱

醫者嘗須愛養自家精力。精力不足則倦。倦生厭。厭生躁。厭躁相乘則審覈辨証處方皆苟率而無誠意矣。思欲救死全生庸可期乎。今之醫者鮮克不以奔競爲專務。徒勞苦而不自知大戒也。醫之看病與文家之相題無二病題也。脉題之旨也。藥明詞章也。方法局與勢也。善爲治者脉証既詳。當思所以治之之法。而隨因法以立方。藥不過如早晚之職。唯吾方法驅使耳。不思者竟以草木爲

裴子言醫 卷之一

主

五

拘見頭痛便用川芎見脚痛便加牛膝救頭救脚  
於乎其無統宗雖藥品精良亦何能中病之窠會  
哉是猶文家不以題旨局勢爲先而僅修詞章之  
末縱言言錦繡字字琳瑯與本題將千里隔矣何  
足貴

胃爲水穀之海脾爲生化之源。生化旺則氣血清和  
諸病屏息生化衰則氣血虧損百疾交侵非細故  
也。唯東垣先生深得此旨。闡發脾胃元氣之妙。可  
謂呼韓震啓曠光矣。世之醫者。徒執病形不推病

本脾胃之義置而勿講如脾虛氣短似痰喘耳泥  
爲肺熱痰壅瀉以石膏蘇子脾虛發熱似外感耳  
認作風寒外束表以羌活麻黃脾虛下陷變爲後  
重裏急猶謂滯積不行下以硝黃枳朴脾虛不運  
變爲水脹中滿猶謂宿食未化導以巴豆牽牛產  
後脾虛飲食停滯而嘔吐脹悶誤擬敗血攻心恣  
餌桃仁四物勞瘵脾虛飲食減少而惡心溏瀉尙  
執滋陰降火偏需知栢二冬投之不愈更恣投之  
脾胃轉傷而疾轉篤技窮莫措帝命于數時弊如

東垣先生  
秘旨發揮

卷一

補虛之要  
文正先生  
共子虛人  
家又從  
中言虛心

身一

老之一

三

五

斯。曷。可。勝。計。無。他。未。明。至。氣。之。說。故。也。至。氣。實。而。攻。之。則。病。易。愈。至。氣。虛。而。攻。之。則。病。反。加。非。藥。不。能。治。病。也。至。氣。不。行。藥。力。也。況。當。世。之。人。氣。稟。淺。薄。兼。多。沉。湎。于。酒。耽。縱。于。色。汲。汲。沽。名。皇。皇。求。利。又。復。傷。于。勞。思。者。更。不。少。也。司。命。者。其。可。不。亟。講。于。斯。

補虛之最切要者在扶胃氣胃氣強則飲食進飲食進則血氣生補何如之所謂得穀者生失穀者死理甚易明耳今之不善補虛者槩用當歸地黃人

太熱矣

此恒理耳  
病來不知  
醫家亦不  
知脈怪天  
枉肯之矣  
也

參白朮甘草黃耆等類以爲補虛之法莫此若矣  
不思此等品類雖能補虛要皆甜膩壅隔之性胃  
之強者則幸矣胃之弱者其可當乎不脹則瀉不  
瀉則嘔吐而不能食矣有謂病不轉加于此誰其  
信之

病有以藥傷而變重者甚有變證莫識而卒致危亡  
者不可不知不可不慎昔一婦患經閉服血藥過  
多血不行而飲食反減又增寒熱嘔逆醫猶爲瘀  
血攻心倍加峻削病者忽發神昏齒噤口角流涎

胃氣不清  
後用補中  
益氣湯可  
矣

三可矣

狀類中風。脰其脉伏而微。心下按之滿急。且有聲。曰此飲証也。詢之乃爲藥所傷。非涌法不可急取。油鷲翎探之一涌而出。酸水四五升。隨醒。先用燥濕寬中藥。次與補脾健胃。俟飲啖起居如故。始進通經丸。血乃行。一人病瘧兼旬。胸滿而畏食。胃氣不清。故也。醫不審。與以加減補中益氣湯二服。瘧反大劇。易用鼈甲何首烏等藥。作大劑以截之。更服嘔不勝。湯飲俱廢。或疑其誤。服補藥與陳皮、棗、菴等湯。病益加。予診之。六脉濡弱。此濕氣滿胸膈。

方在此  
一吐  
傷藥証狀  
楊器無道  
學者須細  
心理會方  
得見

此義性  
之言

也以蒼朮爲君佐半夏厚朴澤瀉豆仁等少加薑汁食鹽徐徐與之不食頃既然欲吐卽探引得吐黃涎惡水甚多始平痰亦漸止又一小兒甫三歲得心腹痛疾醫者處劑太重煎汁又濃更灌之乳食後反增嘔吐發寒熱而兼喘更數醫咸罔効漸變昏瞢不醒人事其家以爲不可救遂勿藥以俟之自晨至昏忽聞腹中汨汨聲上下者數四遺穢汁斗許而蘇凡此等病患者甚多不能悉舉總之人身以胃氣爲本胃氣傷雖對病之藥皆不能運

化而取効。反生他証。今之病家。醫家均不之察。凡有病。輒投以藥。不愈。更醫以藥。旋已旋藥。甚至病久。脾虛。飲食不進。不思顧其生化之源。而猶亂投湯劑。致中氣受傷。變証百出。而死者不少矣。可不慎歟。

丹谿先生謂產後大補氣血爲主。以產後血氣大虛。不可大消導。大發散。大寒涼。至犯虛虛之戒耳。又云。雖有雜病。以末治之。則不能無遺疑焉。何也。如血凝腹痛。食滯胸膨。或惡心。或泄瀉。或外感風寒。

如此補偏  
救弊功何  
西也

等類產後或亦不免此皆不足中有餘之候遠可  
以大補爲主而末治之乎以理揆之則此二語恐  
亦非出於丹谿先生之筆傳寫日久魚魯之訛未  
可知也余敢以如字易雖字權字易末字于義始  
聞高明者爲何如

藥無所謂王霸也用藥亦無所謂王霸也而有王道  
霸道之喻亦用之者之有王霸耳用藥者嘗變以  
審時經權以濟事當補卽補當攻卽攻當寒卽寒  
當熱卽熱苟王霸之有分哉用之者善甘草參耆

當字世也  
 尤可以辟  
 寒氣或以  
 治諸症  
 也至也亦  
 可以治之  
 寒氣以在  
 後皆以在  
 他伯也

張子言醫 卷之一

王也。附子。硝黃亦王也。春生秋殺之。天道也。當即。無藥非王也。用之不善則附子硝黃霸也。甘草參耆亦未始非霸也。冬煥夏寒之。愆咎也不當即無藥非霸也。是則王霸不在藥而在所用。亦不在于用而在善用與不善用。今世之談醫者咸以參耆甘草類能補益稱為王道。硝黃附子類能攻伐稱為霸道。是泥于藥之有王霸矣。泥藥之有王霸遂泥于用之亦有王霸矣。噫。果用藥有王道霸道之岐哉。此唯可與知者言也。

牛屎有救  
虫之功偶  
中天也

藥有偶中而病愈者。有誤中而病愈者。未可居功於  
不疑。當猛然省。豁然悔。惶悚無地。則學日長。而識  
日高。昔如一木匠趙。與一鐵匠杜。行次乞宿其家。  
有病人不納。杜給曰。此趙君。世醫家也。蒙上司見  
召。失路至此。必病者之當愈也。主人遂延入診之。  
曰。一藥可愈。潛出得牛糞一塊。作三十粒。下以溫  
水。胸中頓覺如虫行。一涌而出。小蛻蜋狀者二三  
升。病如脫。越宿禮饌而去。嗚呼。此二人小人也。欲  
苟一宵之寢。以穢物治人。蓋偶中耳。竊恐二人此

天下居之  
不徒者豈  
止此二小  
人哉

大醫家

裴子言醫 卷之一

主

去必且謂醫學無難而居然一世醫家幾不自識  
其初心矣又有一病身冷而脉沉伏者醫認爲陰  
投以桂附等熱藥一婢煎之適傾廢茫無以應借  
黃連香薷飲一杯代之不謂一飲而瘥是何也陽  
証似陰非陰也醫誤以爲陰也設藥不爲婢誤醫  
之誤不可言矣設藥不爲醫誤婢之誤不可言矣  
幸其相誤而因誤以中病乃得生耳吾不知此醫  
亦居功不自疑否如居功恐又爲此婢竊笑也此  
二事深可爲近世醫家提醒故戲志之

一之字甚  
可味

大體天下  
執方之迷

人皆以黃耆人參白朮甘草當歸陳皮升麻柴胡八  
味爲補中益氣湯噫此固補中益氣湯也特元氣  
下陷之補中益氣湯耳蓋中者脾胃也氣卽脾胃  
之氣元氣也立方者以參耆朮等藥善補中州  
之元氣而用之也因元氣之下陷不得不佐升柴  
以舉之非升柴之能補中氣亦非中氣之必佐升  
柴而後補也中氣旣不必佐升柴而後補則凡有  
以參耆朮相須而立方者皆補中益氣湯也不  
必定有升麻柴胡也如有因小兒慢驚與痘漿不

足用參耆甘草三味名保元湯者有脾氣久衰用人參白朮茯苓甘草爲四君子湯者脾虛有痰有濕四君子加陳皮半夏名六君子湯者飲食少進更加藿香砂仁爲香砂六君子湯者有虛痰眩暈以參耆甘朮合天麻半夏等藥爲半夏白朮天麻湯者又有合棗仁遠志龍眼當歸爲歸脾湯者有大病後調理元氣用參朮膏參朮湯與參苓白朮散者有元氣暴脫脉微欲絕用人參一味爲獨參湯者有昔傷元氣用生脉散清暑益氣等湯與氣

唐微張子  
謂不解補  
中益氣之  
義矣

此金匱  
經書從無  
可明

虛夾寒而用人參理中湯附子理中湯者凡此之  
類皆謂之補中益氣湯可也皆謂之元氣不下陷  
之補中益氣湯亦可也但其間所夾之証與所兼  
之藥有不同故命名亦各各不同耳究其肯何一  
不在中氣二字上着意哉

或問喘肺病也腫脾病也金匱九是腎藥服之而兩  
証皆驗其故何也予曰腫雖屬脾而實因于水喘  
雖屬肺而實原于氣經曰腎者胃之開關門不利  
則聚水而為腫直指曰腎為氣之本腎虛不能為

天一生水  
 水之成  
 定是土  
 土中之堅  
 者便是金  
 也水生土  
 土生金此  
 之妙非知  
 者莫能

胃行其水則不能納氣喘原而喘以作是則喘與  
 腫卽謂之腎家病可也金匱九既是腎藥其奏平  
 腫息喘功正所謂虎向水中生者此也所謂地黃  
 有補脾利水之功無陰則陽無以化者亦此也兩  
 証之俱驗疑總之水土金爲先天之一元此微  
 深詣其微耳  
 一宦者年已近老因勞倦傷脾脾虛病瘧瘧愈而脾  
 胃之虛日益旋病腫焉此時飲食尙進起居亦不  
 甚衰正宜補中益氣湯隨証加減以調脾胃元氣

不已  
亦可思

後用金匱腎氣丸補腎而行水使腫自消始爲至  
治不謂日以澤瀉猪苓柴胡葛根厚朴陳皮等藥  
暮餌朝餐恬不知返兩月來真氣被賊無餘腫脹  
而劇喘息不得眠者六晝夜更一醫猶以爲肺病  
而用蘇子芥子二母二冬之類卒致湯飲俱廢而  
死王字泰曰手足浮腫未必成水也服耗氣利水  
之藥而不已則水病成矣趙養葵曰腎虛不能納  
氣歸元而作喘徒從事于肺者執流而忘源也惜  
哉

安胎之說不可拘泥。有無病而胎不安者。有有病而胎不安者。無病而胎不安者。杜仲人參地黃續斷。熟艾阿膠條芩歸朮等類。豈曰無功。若有病。必當先去其病。病去而胎自安矣。若不去其病。而徒所安胎之藥。則邪氣留而不去。雖安亦不安矣。如痢疾腹痛。積滯壅凝。不先乘其胎氣未虛之時。而蕩滌之。病何繇減。瘧疾寒熱。胃口必多壅滯。遽用補血安胎之法。瘧疾何自而衰。傷食作痛。飲食難下。不先消導。開胸飲食。何繇得進。傷寒熱結在裏。舌

有此病用  
此藥何害

上生胎大便不通不用涼藥蕩滌邪熱何繇而已  
故凡有如此等病必令早去一日則胎便早安一  
日不則日久胎虛鮮不致墮昔黃帝問於岐伯曰  
婦人重身毒之何如岐伯曰有故無殞此之謂也  
一富室婦崩暈交作已三踰日不得愈諸醫治法不  
外阿膠地黃當歸白朮山藥人參及止崩止暈之  
藥益劇余診之六脉小而堅右關細滑有力且多  
呃呃欲吐狀心下按之硬滿而痛飲食不進大便  
不通此正與王節齋夫人崩暈証甚相類受病在

暢行氣  
氣運行之  
九年諸病  
藥重之地  
學者能時  
者易明疾  
之能事畢  
次

腸胃無疑法當先行腸胃中積滯使真氣流行脾  
得健運而統血崩自止暈自寧矣遠用前藥是以  
滯益滯矣怪乎無功遂屏諸藥先用導滯丸一服  
不動再一服大便始通神少清而崩亦少止收服  
開胃醒脾藥二劑崩暈頓減繼服大補脾丸甫半  
月飲啖起居如故若泥血病而專用補血等藥其  
與刻舟求劍膠柱鼓瑟者何以異  
一  
宜安年甫兼旬不甚得所抑鬱傷脾飲食漸減幾  
半歲後乃月事不來日晡潮熱醫皆養血滋陰爲

治寢至肌肉消燦喘息不眠惡心不能食大便不  
通脈來數且弦右關特細素問謂二陽之病發心  
脾有不得隱曲女子不月其傳爲風消爲息責者  
卽此類也在法不治乃辭餘句果卒夫二陽胃與  
大腸也病傳化失常飲食少進也發心脾始於心  
脾也固不得遂其隱曲之情心脾鬱結而發也心  
主血脾統血腸胃旣病則心脾無所資而血脉枯  
故不月血旣枯則陰不勝陽而生熱熱盛則生風  
而肌肉消燦矣故曰風消肺屬金主氣金爲熱迫

前篇第一  
論此症  
與其受病  
十陽則  
同也讀者  
參之

卷一

一

三

五

則氣上賁而喘息不寧矣。故曰：息賁。初治時即開導腸胃中積滯，使真氣流通，胸隔寬利，能飲能食，始用血分等藥調月事之不來。退日補之，潮熱方為至治。乃不審二陽因抑鬱久而積滯不行，為受病之根。設執月事不來日晡潮熱是血少陰虛病，不逍遙散則四物湯朝餐暮餌而卒至于死，良可嘆也。女人患此甚多，余故詳著其証并釋經義云。學不博不可以為醫，徒博亦不可以為醫。醫者意也，聖賢之精蘊形而上者之道也，布在方策者言也。

形而下者之教也。學者欲求聖賢之意，不得不因言以求之。非廣博不可也。所謂教，非道不立，道非教不明也。不求其意而徒事於言，則雖讀盡天下古今奇書，皆糟粕矣。何異饕餐百種珍饈，填塞胸中而不化者乎？

病有一二劑而愈，有數十劑或百劑而愈者。感有淺深，故也。感有淺深，則其所以治之者，非可槩為欲速也。欲速則寒，熱溫涼行散補瀉，能無過當乎？如寒藥療熱者也，寒太速則熱未已而冷疾隨生，熱

藥攻寒者也。熱太速則寒未除而熱邪又起。表者汗裏者下。汗速則亡陽下速則亡陰矣。虛者補實者瀉。補速則邪熾。瀉速則正傷矣。功未奏而害已滋。不可不深爲之意也。昔許學士治一人發熱頭疼。脈浮數。麻黃湯證也。尺獨遲而弱。以仲景論尺遲者營不足。未可遽汗。進以建中湯。加歸耆。越宿。脈尚爾。其家欲速汗解。許只建中湯調營而已。五日。尺方應。始投麻黃湯二服。汗出而解。設不顧虛實。不待時日。禍旋踵矣。南史載范雲遇武帝。九錫。

凡欲求速  
快于必肯  
其終必有  
傷

之命忽傷寒恐不得與慶事召徐文伯診懇曰可  
速瘥否徐曰易恐二年後不復起曰朝聞道夕死  
猶可況二年乎徐卽以火煨地布桃栢葉置雲于  
上頃刻汗出撲以溫粉明日愈雲甚喜徐曰不足  
喜後二年果如其言凡病欲速愈而不顧其爲後  
患者皆不必有佐命之誓榮而甘爲夕死之續者  
也